



სსიპ გარემოს ეროვნული სააგენტო

დავით აღმაშენებლის გამზირი №150
0112 თბილისი, საქართველო
+995 32 2439503 / +995 32 2439510
info@nea.gov.ge
nea.gov.ge

24 ივნისი 2026



N 21/9003

სს „საქართველოს ნავთობისა და გაზის კორპორაციას“

მის: თბილისი, სამგორის რაიონი, კახეთის გზატკეცილი N21

ელ.ფოსტა: public@gogc.ge

სსიპ გარემოს ეროვნულმა სააგენტომ (შემდგომ - სააგენტო) განიხილა გარემოსდაცვითი გადაწყვეტილების მიღების მიზნით წარმოდგენილი თქვენი 31.03.2026 წ. N 4702 განცხადება და დაგეგმილი საქმიანობის (ხაშურის, საჩხერის და ჭიათურის მუნიციპალიტეტებში, სს „საქართველოს ნავთობისა და გაზის კორპორაციის“ „აღმოსავლეთ-დასავლეთის“ მაგისტრალური გაზსადენის „ხაშური-ზესტაფონის“ მონაკვეთის 0-36 კმ-ის მშენებლობა და ექსპლუატაცია) გარემოზე ზემოქმედების შეფასების ანგარიში (შემდგომ - ანგარიში) და გაცნობებთ შემდეგს:

ა) გზმ-ის ანგარიშში აღნიშნულია, რომ „ზოგან გვხდება ცალკეული უბნები, სადაც აქტიურად მიმდინარეობს საშიში გეოლოგიური პროცესების (დახრამვა, კარსტული სუფოზიები, მეწყერული უბნები და სხვა) ჩასახვა-გააქტიურება და სადაც საჭირო გახდება გარკვეული დამცავი ღონისძიებების გატარება“-თუმცა ანგარიშში არ არის აღწერილი არცერთი საშიში გეოლოგიური პროცესი და ამასთან არ არის წარმოდგენილი ინფორმაცია პრევენციული ღონისძიებების შესახებ, შესაბამისად წარმოდგენილი უნდა იქნეს საშიში გეოლოგიური პროცესების ადგილმდებარეობა, დეტალური აღწერა, აქტიურობის ხარისხი, ფოტოდოკუმენტაცია და პრევენციული ღონისძიებების ჩამონათვალი. ამასთან, გზმ-ის ანგარიშზე თანდართულ საინჟინრო-გეოლოგიური პირობების ტექნიკური ანგარიშის მიხედვით, „საველე სამუშაოები ჩატარებულია 2018 წლის შემოდგომაზე“. აქვე აღსანიშნავია რომ საკვლევ ტერიტორიაზე, როგორც გზმ-ის ანგარიშში, ასევე თანდართულ ტექნიკურ ანგარიშში მრავლად არის მითითებული, რომ „საექსპლუატაციო დერეფანში განვითარებული ეროზიული პროცესების და სხვა უარყოფითი გარე პირობების შედეგად გაზსადენის რიგი უბნები დაზიანებულია და ვერ ხერხდება მისი სრულფასოვანი ოპერირება“, ასევე როგორც ზევით აღინიშნა, მითითებულია, რომ „ზოგან გვხდება ცალკეული უბნები, სადაც აქტიურად მიმდინარეობს საშიში გეოლოგიური პროცესების (დახრამვა, კარსტული სუფოზიები, მეწყერული უბნები და სხვა) ჩასახვა-გააქტიურება“. შესაბამისად, ჩატარებული კვლევების შემდეგ გასული დიდი დროის გათვალისწინებით, საპროექტო ტერიტორიის რთული გეოლოგიური აგებულების, გეომორფოლოგიური და საინჟინრო-გეოდინამიკური პირობების გათვალისწინებით, საჭიროა წარმოდგენილი იქნეს საკვლევი ტერიტორიის ფარგლებში დეტალური საინჟინრო-გეოდინამიკური აგებმვის ანგარიში საშიში გეოლოგიური (მეწყერი, ღვარცოფი, კლდეზავ-ქვათაცვენა და სხვა) პროცესების ადგილმდებარეობის, პარამეტრების, აქტიურობის ხარისხის და პრევენციული ღონისძიებების მითითებით, რათა გამოირიცხოს გაზსადენის მშენებლობა-ექსპლუატაციის ეტაპზე საშიში გეოლოგიური პროცესების ჩასახვა-აქტივაცია თავისი უარყოფითი შედეგებით;

ბ) გზმ-ის ანგარიშში (გვ.108) წარმოდგენილი ინფორმაციის მიხედვით „საინჟინრო-გეოლოგიური პირობების სირთულის მიხედვით მონაკვეთი განეკუთვნება II (საშუალო) სირთულის კატეგორიას“, ამავდროულად წინადადების ქვემოთ კი აღნიშნულია, რომ ტერიტორია საინჟინრო-გეოლოგიური პირობების სირთულის

მიხედვით გენეკუთვნება III (რთულ) კატეგორიას”. შესაბამისად, აღნიშნული საკითხი საჭიროებს დაზუსტებას;

გ) საპროექტო გაზსადენის ტრასის დერეფანი ხასიათდება რთული გეოლოგიური აგებულებით და გეომორფოლოგიური პირობებით. შესაბამისად, საპროექტო ტრასის პიკეტური აღწერა წარმოდგენილი უნდა იყოს მინიმუმ ერთკილომეტრიანი (შესაძლებელია უფრო ნაკლებიც) პიკეტაჟით, საინჟინრო-გეოლოგიური და არსებული გეოდინამიკური პირობების აღწერით;

დ) გზშ-ის ანგარიშში არ არის მოცემული ექსპლუატაციის პერიოდის გარემოსდაცვითი მონიტორინგის გეგმა, რაც საჭიროებს დაზუსტებას. ამასთან, მონიტორინგის გეგმა წარმოდგენილი უნდა იქნეს ცხრილის სახით;

ე) სსიპ მინერალური რესურსების ეროვნული სააგენტოს ცნობით, საპროექტო ტერიტორია, თანდართული დოკუმენტებით და სააგენტოში არსებული ინფორმაციით, კვეთს ლომისი I გაბროს (მოსაპირკეთებელი ქვა) და ჩორჩანას გრანიტის გამოვლინებების კონტურებს. ასევე, წარმოდგენილი ობიექტი კვეთს ლომისი II და ლომისი III გაბროს გამოვლინებების კონტურებს. აღნიშნული გამოვლინებები არარენტაბელურია (როგორც მოსაპირკეთებელი ქვა) და მარაგები არ არის დათვლილი. გარდა ამისა, წარმოდგენილი ობიექტის მიმდებარედ ფიქსირდება სასარგებლო წიაღისეულის სახელმწიფო ბალანსზე რიცხული ბერეტისას კირქვის (სახერხი ქვა) და ჩორჩანის ჯგუფის ტალკის საბადოების ტერიტორიები. შესაბამისად, საჭიროა წარმოდგენილი იქნეს საპროექტო ტერიტორიის შეზღუდვის არეალის ფართობების Shp-ფაილები (ბუფერი), რათა განისაზღვროს აღნიშნულ ფართობებზე არსებული შემზღუდველი გარემოებები, ასევე, გამოვლინებების კონტურთან თანაკვეთის ტერიტორიაზე არსებული ზუსტი მარაგები. ზემოაღნიშნულ საკითხებზე ასევე წარმოდგენილი უნდა იყოს სსიპ “წიაღის ეროვნულ სააგენტოსთან” შეთანხმების/კომუნიკაციის ამსახველი დოკუმენტაცია.

გთხოვთ, ზემოაღნიშნულის შენიშვნების გათვალისწინებით, 2 თვის ვადაში უზრუნველყოთ დაზუსტებული/დამატებითი ინფორმაციის სააგენტოში წარმოდგენა. დაზუსტებული/დამატებითი დოკუმენტის წარმოდგენამდე სააგენტო მოკლებულია შესაძლებლობას, იმსჯელოს თქვენი 31.03.2026 წ. N 4702 განცხადებით გათვალისწინებულ საქმიანობაზე გარემოსდაცვითი გადაწყვეტილების გაცემის თაობაზე.

დანართი: ელ. ვერსია

ელენე ლუბიანური

სააგენტოს უფროსი

სსიპ გარემოს ეროვნული სააგენტო

<https://edocument.ge/mea/public/#/9003-21-2-202606241035>

